

## REGLUGERÐ

### um (3.) breytingu á reglugerð nr. 948/2000 um greiðslur almannatrygginga í lyfjakostnaði.

#### 1. gr.

Við 13. grein bætast eftirtaldar málsgreinar:

Um umsóknir um greiðsluþátttöku almannatrygginga, sbr. 1. mgr., fer samkvæmt reglugerð nr. 128/2002 um greiðsluþátttökunefnd.

Umsókn um greiðsluþátttöku almannatrygginga, sbr. 2. mgr., skal send heilbrigðis- og tryggingamálaráðuneytinu. Umsókn skulu fylgja upplýsingar um ATC-flokk lyfsins, lyfjaform, styrkleika og virkt lyfjaefni, ef um nýtt samheitalyf er að ræða. Að fenginni umsögn Tryggingastofnunar ríkisins er umsókn afgreidd í samræmi við ákvæði reglugerðar þessarar. Hið sama gildir um lyf, sem veitt hefur verið markaðsleyfi og hefur áður verið á markaði eða inniheldur virkt lyfjaefni, sem er í lyfi sem áður hefur haft markaðsleyfi.

Rökstudd ákvörðun um greiðsluþátttöku almannatrygginga, sbr. 2. mgr., skal tilkynnt umsækjanda eigi síðar en 180 dögum frá móttöku umsóknar. Hafi umsækjandi ekki látið nauðsynlegar upplýsingar fylgja umsókn sinni skal honum tjáð hvaða upplýsingar vantar. Í slíkum tilvikum skal ákvörðun liggja fyrir og tilkynnt umsækjanda eigi síðar en 90 dögum eftir að viðbótarupplýsingar bárust. Ákvörðun skal þó ekki tekin fyrr en ákvörðun um lyfjaverð liggur fyrir. Greiðsluþátttaka almannatrygginga skal birt í sérlyfjaskrá og lyfjaverðskrá.

Allar ákvarðanir um greiðsluþátttöku almannatrygginga og breytingar á henni, samkvæmt reglugerð þessari, ásamt áliti sérfræðinga eða tilmæli sem ákvarðanirnar byggjast á, skulu kynntar handhöfum markaðsleyfa þeirra lyfja sem þær varða. Þá skulu þeim kynnt þau lagaúrræði sem þeir geta nýtt sér samkvæmt gildandi lögum og sá frestur sem þeir hafa til þess.

#### 2. gr.

Reglugerð þessi sem sett er með stoð í c-lið 1. mgr. 36. gr. laga nr. 117/1993 um almannatryggingar, með síðari breytingum, öðlast þegar gildi.

*Heilbrigðis- og tryggingamálaráðuneytinu, 13. maí 2003.*

**Jón Kristjánsson.**

*Davíð Á. Gunnarsson.*

## GJALDSKRÁ

### fyrir sorphirðu á Austur-Héraði.

#### 1. gr.

Bæjarstjórn Austur-Héraðs er heimilt að leggja á sorphirðugjöld skv. 8. og 9. gr. samþykktar um meðhöndlun úrgangs á Austur-Héraði, nr. 461/2002 og í samræmi við 25. gr. laga um hollustuhætti og mengunarvarnir nr. 7/1998 með síðari breytingum.

## 2. gr.

Árlegt sorphirðu- og förgunargjald vegna heimilisúrgangs frá íbúðum og fyrirtækjum skv. 4. og 5. gr. samþykktar um meðhöndlun úrgangs á Austur-Héraði er sem hér segir:

- A. Á hverja íbúð í þéttbýli og á lögbýli eða íbúðarhús utan þéttbýlis, enda sé einn eða fleiri einstaklingar skráðir þar til lögheimilis, svo og á hvert fyrirtæki, kr. 13.350.
- B. Á hvert frístundahús, sorpförgunargjald, kr. 5.340.

## 3. gr.

Gjald sem ákvarðað er af bæjarstjórn samkvæmt tillögum Sorpeyðingar Miðhéraðs vegna förgunar annars sorps en heimilissorps, þ.e. framleiðsluúrgangs frá fyrirtækjum og stofnunum, sbr. 7. gr. samþykktar um meðhöndlun úrgangs á Austur-Héraði, fer eftir vigt og er innheimt af sveitarfélaginu.

## 4. gr.

Gjald fyrir sorphirðu samkvæmt 2. gr. skal innheimta með fasteignagjöldum.

## 5. gr.

Gjaldskrá þessi sem var staðfest af Heilbrigðiseftirliti Austurlands 13. janúar 2003 og samþykkt af bæjarstjórn Austur-Héraðs sama dag, er sett samkvæmt 25. gr. laga nr. 7/1998 um hollustuhætti og mengunarvarnir og heimild í 8. og 9. gr. samþykktar um meðhöndlun úrgangs á Austur-Héraði nr. 461/2002, til að öðlast gildi við birtingu.

*Egilsstöðum, 16. apríl 2003.*

**Pórhallur Pálsson,**

forstöðumaður umhverfisviðs Austur-Héraðs.

## GJALDSKRÁ

### vegna hunda- og kattahalds á Austur-Héraði.

## 1. gr.

Hunda- og kattaeygendur sem búsettir eru innan þéttbýlisstaðanna Egilsstaða, Hallormsstaðar og Eiða skulu greiða leyfisgjald skv. lið b, gr. 2.1 í samþykkt um hundahald á Austur-Héraði nr. 318/2000 og sbr. lið b, 2. gr. samþykktar um kattahald á Austur-Héraði nr. 328/2000, sbr. 25. gr. laga nr. 7/1998 um hollustuhætti og mengunarvarnir með síðari breytingum.

## 2. gr.

Af hundum skal innheimta hundaleyfisgjald skv. 1. gr. að upphæð kr. 8.000 á hvern hund á ári.

Af skráðum köttum skal innheimta kattaleyfisgjald að upphæð kr. 4.500 á hvern kött á ári.

Heimilt er að lækka hunda- og kattaleyfisgjald sem nemur ársiðgjaldi ábyrgðartryggingar dýrsins.

Fyrir endurnýjað skráningarmarki hunds eða kattar skal greiða kr. 500.